

SIARAN MEDIA

PAMERAN PEROLEHAN TERKINI: SEDEKAD PEROLEHAN KOLEKSI NEGARA 2015 - 2025

9 MAC 2026 – Balai Seni Negara mempersembahkan **Pameran Perolehan Terkini: Sedekad Perolehan Koleksi Negara 2015-2025**, sebuah pameran yang menampilkan karya-karya terpilih daripada Koleksi Seni Visual Negara yang diperoleh sepanjang tempoh sepuluh tahun yang lalu.

Sebagai institusi peneraju seni visual negara, Balai Seni Negara komited dalam memperkaya dan memperkuat Koleksi Seni Visual Negara melalui proses perolehan yang berlandaskan kajian, penelitian serta rujukan pakar dalam bidang seni visual. Sepanjang tempoh 2015 hingga 2025, sebanyak 279 karya seni visual telah berjaya diperoleh, dan daripada jumlah tersebut, 88 karya dipilih untuk dipamerkan dalam pameran ini.

Pameran ini mengetengahkan pelbagai manifestasi kreatif yang merangkumi isu sosial, budaya, politik dan teknologi, sekali gus mencerminkan perkembangan pesat dan kepelbagaian landskap seni visual tempatan dalam mendepani perubahan zaman. Kepelbagaian medium, pendekatan dan wacana yang dipersembah memperlihatkan peranan karya seni sebagai rakaman visual terhadap naratif serta pengalaman masyarakat Malaysia.

Pameran Perolehan Terkini: Sedekad Perolehan Koleksi Negara 2015-2025 bukan sekadar himpunan karya, malah merupakan dokumentasi visual terhadap evolusi pemikiran, eksperimen artistik dan respons seniman terhadap konteks semasa. Pameran ini turut memperkuat hubungan antara seni visual dan masyarakat, di samping menzahirkan komitmen berterusan Balai Seni Negara dalam memelihara, mendokumentasikan serta menjamin kelestarian Koleksi Seni Visual Negara untuk tatapan generasi akan datang.

Orang ramai dijemput mengunjungi pameran ini di **Galeri 2A, Balai Seni Negara**, yang berlangsung sehingga **Disember 2027**, bagi menghayati keunikan dan kepelbagaian karya yang membentuk landskap seni negara sepanjang satu dekad.

Untuk maklumat lanjut mengenai program atau pameran yang dianjurkan oleh Balai Seni Negara, sila layari www.artgallery.gov.my atau ikuti saluran media sosial rasmi Balai Seni Negara.

Dikeluarkan:

**Unit Komunikasi Korporat
BALAI SENI NEGARA, MALAYSIA**

No. 2 Jalan Temerloh, Off Jalan Tun Razak, 53200 Kuala

Lumpur Tel: 03-40267000 Fax: 03-40244998

E: ukk@artgallery.gov.my W: www.artgallery.gov.my

Untuk pertanyaan, sila hubungi:

Balai Seni Negara:

Mohd Zuriyadi Sarpin

T: +60 11 1005 5207

E: zuriyadi@artgallery.gov.my

Intan Syazwina Suhaimi

T: +60 19 998 5884

E: syazwina@artgallery.gov.my